

**Shërbesa e Shejtë
e
Sh'Jon Vladimirit**

Çudibamësit Mbretit të lavdueshëm dhe dëshmorit të madh

**E PËRKTHYEME DHE E BOTUEME
Me bekim të
Kryepiskopit të gjithë Shqipnis
Krye-Hirsisë Tij Emzot Dr. Vissarion-it**

PJESA E PARË

**TIRANË, 1934
Shtypshkronja Gutenberg**

NË MBRAMSOREN E MADHE

**“Në o Zot thirra të Tij: thuhën gjashtë vargje këto:
Ting. IV. “Pas: Os Jeneon en Martisi”**

Si pemë plot me frytë, kuptimisht bive, në livadhë, shumë i ndershëm t'athletizmës, tue shpërnda dhurata hyjnore, burime shërimesh, t'Arkës Tande shumë të veneruar, nga e cila të gjithë marrim, fuqi trupi, bukuri i atletëvevet Joan; prandaj të nderojmë, si ndërmjetës të shpirtave Tona.

Zotin që të donte Fort e deshe, dhe dëfrimin e trupit e largove; dhe Krishtit i vajte pas, duke mbajtur mbi supet me gëzim Kryqin, o Dëshmor, dhe në vdekje me përdhuni shkove; prandaj o shumë i lumtur, lavdërojmë me psalmë dhe hymnodhi, Athletizmën tënde, dritësjellëse.



Si Ushtar i mirë, i Mbretit të Qiejvet, vehten tënde o Vlladimir dorëzove, vullnetisht në thikë, vure zverkun tëndë, duke u bashkuar me vallet e martyrëvet o i Lumur; u vlersove pra që të pranosh kunorat e mundjes, bashkë me të cilët tani i lute për ne çudiburonjës.

(Të tjera të një llojshme Ting.po Ay)

Prej Sllavëvet të Jugut lulëzove, Joan i Lumur, si trandafil erë-këndshëm dhe erë-mirë, dhe Perëndisë i pëlqeve; agjërimë dhe lutje, dhe falje të virgjilluara, Zotit i dërgonje, nga zemra jote, të pastër dhe të Shenjtë; prandaj duke u mbledhur mburrim trimërit'e Tua, o i Lavdëruar.

Me mburonjë shprestarie të forcoj Zoti, të tregoj të fortë, për luftim që të kundërshtohesh kundra armiqeve, Joan i Lavdëruar; të cilët me Shpatën e durimit tënd o Vlladimir, i çduke, dhe vaskanit e tyne, dhe veshe kunorat e mundjes Shenj-prurës i shumë-çuditëshëm.

Shkëlqeve stolin e Mbretnis me të vërtetë me gjakra martirizimi o i lavdëruar dhe ndriçove; dhe dëbove gjithë errësirën e errësinave, dhe ndriçove popuj duke pastruar dhogmat, që me hirin e Hyeshëm Orthodhoksisht të besojmë në Trinin, e cila asht një natyrë e pa ndarë me tre fytyra

Lavdi Ting.IV.

Shkëlqeve o i lavdëruar si Yllë agimprurës në dhe të Ilirianëvet, Joan shumë i lavdëruar, se duke Mbretnuar mirë dhe drejtësisht, dhe duke ngritur Kryqin e Zotit Tonë mbi supat, i pasove Krishtit si mik i vërtet Perëndije. Pra lutemi o i Shenjtë ndërmjeto për Shpirtet Tona.

Tani...:e së Kremtes

Në mos asht e Kremte, Hyilindësoren (profeti Dhavidh) o Dritë gazmore. Paravargu i ditës dhe këndimet.

Këndimi prej profitis s'Isaiut

Këto thot Zoti; gjithë Kombet u mblodhën së bashku edhe do të mblidhen arhondë prej Tyne; kush do të lajmërojë këto atyne? ose ato të qëmotshmët kush do tua bajë juve të dëgjua? Le të bijen dëshmitarët e tyne, dhe le të dalin të drejtë dhe le të thonë të vërteta; bëhuni dëshmitar të mijë dhe unë Zoti Perëndija dëshmitar edhe djali që zgjodha që të njifni dhe të më besoni dhe të kuptoni që unë jam; unë jam Perëndia edhe nuk do të jetë ai që shpëton përveç meje; Unë lajmërova dhe shpëtova; shava, dhe nuk ishte ndonji i huaj midis jush. Ju jeni dëshmitarët e mi dhe unë jam dëshmitari Zoti Perëndija; se qysh në fillim unë jam dhe nuk ka ndonji njeri që do t'u marrë prej duarvet të mia; do të bajë dhe kush mund ta ndryshojë atë? Kështu thotë Zoti Perëndia, i cili shpëtojë juve, Izraili i Shenjtë.

Këndimi prej urtësisë së Sollomonit

Shpirtinat e të drejtëve në dorën e Perëndisë dhe nuk do t'i preki vuajtja u dukën në sytë e të marrosunvet që do të vdisnin dhe u konsiderua gjë e ligë dalja e tyne dhe udhëtimi prej nesh



dërmim, por këta janë në paqe, dhe në qoftëse mundohem në sy të njerëzvet, por shpresa e tyre asht plot me pavdekësi; edhe duke u munduar pak do të gjejnë shumë të mira; se Perëndija i provojë ata dhe i gjeti të drejtë për vehten e Tij; sikundër provohet ari në honoftir kështu i provojë ata edhe si hollokoste theroreje i pranojë ata; dhe në kohën e vizitimit të tyre do të ndriçojnë prapë dhe do të rendin si shkëndi në kallam; do të gjykojnë Kombe, edhe do të pushtojnë popuj, edhe do të Mbretëroj mbi ata Zoti përjetë. Dhe ata që linden mbi atë, do të ndjejnë të vërtetën, dhe besnikët me dashuri do të qëndrojnë afër Tij, se hiri edhe mëshira në Oshnarët e Tij edhe vizitim në të zgjedhunit e Tij.

Këndimi prej urtësisë së Sollomonit

Të drejtët për jetë rrojnë edhe shpërblimi i tyre ke Zoti, edhe kujdesja e tyre pranë të lartit; prandaj do të marrin Mbretërinë e mirë-hirësis, dhe dhiadhemën e bukurisë prej dorës së Zotit; se me të djathtën e tij do ti mbulojë edhe me krahun e tij do ti mbrojë, edhe do të marrë panopli zellin e Tij edhe do t'armatosi kriesën për luftë kundra armiqve; do të veshi për mburojë drejtësinë dhe do të ver për kaskë gjykim të sigurtë; dhe do të marri për mburojë të paluftuarshme Oshnarinë; dhe do të hollësojë zemërimin e papritun si shpatë; dhe do të bashkëluftojë me atë bota kundra të marrosurve; dhe do të venë plumbat e vetëtimave me sukses, dhe si prej qarku rrethi hartkut të revet do të pushtojë mbi qëllimin, dhe prej zemërimi gurëhedhës do të hudhen breshën me shumicë; do të zemrohet kundra Tyne Ujë e Detit, Lumenjtë do të bashkë-mbyllen për një herë. Do të kundërshtojë kundra tyre frymë fuqije, dhe si erë e fortë do t'i shpërndajë ata, dhe do të shkretësojë gjithë dhenë paligësia; edhe mjerimi do të përmbushi fronet e të fuqishmëvet. Dëgjoni pra Mbretër dhe kuptoni; mësoni Gjykatës të gjithë anëvet të dheut; dhe vini në veshët ju pushtuesit e popullit dhe të Kryenaltësuar nga shumica e popullit; se u dha prej Zotit ndër juve pushtet, edhe fuqia prej të naltit.

Në Litani, vargësoret Ting.I

I lindur nxanës dhe pasues, të rrëfenjësve dhe lëçitësve të Trinisë së një qenëshme, dhe bashkë me Ata për shprestari i ndjekur, pësove vdekje me Shpatë Joan i Lumur, duke mposhtur vlasfimit e Eretikëve; prandaj dhe me kunora Martyrike u stolise prej Krishtit Perëndis, dhe more guxim për të ndërmjetuar që të shpëtohen prej rrezikesh, ata që kremtojnë kujtimin Tënd.

Ting.II.

Ejani besnikë të nderojmë, Athlloforin e Krishtit Joanin e lavdëruar, si trim Ushtar, i cili luftojë mirë për pijetet dhe i cili vuri poshtë fuqinë e Mbretërvet dhe të Tiranëve. Prandaj duke patur guxim tek Perëndia, ndërmjeton pa reshtun që të shpëtohen Shpirtërat Tona.

Në Pasvargjet Ting. T.II “Olin Apothemeni”

Popuj çuditëshin, duke parë çudi të frikëshme, që rrinje i vdekur, o Vlladimir i Famshëm, për mbi Mushkën; dhe banje në duartë, kryet tëndë të ndershëm të prerë, të cilin e prure në Kishën e Zotit, duke u falur; Shpirtin Tëndë Orthodhoks, e vure pranë perëndisë gjithësondjësit; të cilin



mbasi e mori e bashkojë me vallet e Engjijvet dhe të Shenjtorëvet, që të gëzojë gjithë një dritën e pa Perëndueshme, e ndriçimin të tridiellshëm.

“I drejti si Feniks”

Tjetër Diellë u duk, midis mbretërvet o Mbret, o Athlet Vlladimir, në kupën e qiellit të besës Hyjnore, duke dhënë dritë hiri, Atyne që vijnë, me gjithë Shpirt në strehën tënde; prandaj ty me çudira në gjallje e në vdekje të nderojë dhe të tregojë shërimtar, atyne që thërresin emrin tënd, Mbreti i të gjithëve, duke dëgjuar shpejt dhe duke dhënë cilido të lypurë me ndërmjetimet e tua hyjnore.

“Do të ngazëllohet i Drejti në Zotin”

Ejani të falemi, popull në shtëpi të zotit, ku ashtë thesuar Lipsani i tërëshenjtë i gjith lumurit, të cilit me kangë të këndëshme dhe me Llamba dhe gazmore duke lutur le ti thërresim; O i Shenjtë shpejto dhe mëshiro ata që janë në nevoja dhe rrëmbe nga valët dhe nga furtuna e shtrëngimeve; që të lavdërojnë Lipsanin Tëndë të këndshëm dhe gjithë nderuar o Joan i lumur, çlirimtar i shumëgatshëm.

Lavdi Ting.T.II

Dhiamande nga shpirti o shum Athletik Mbret, Lavdia e Ilirisë dhe stolia e Sllavisë Jugore, burimi i çudirave dhe ma i madhi ndihmës i besnikëvet. Sepse Ti duke marrë nga Perëndija Armën e tepër të fortë të Kryqit, dërmove trimërisht Fallangat e eretikëve, dhe shumove besën Orthodhokse në tokën e Sllavis Jugore, prandaj si ruajtës i Ynë dhe Mbrojtës shumë i nxehtë shpejto me lutjet tënde o shum i lumur Joan Vlladhimirë, dhe nxirna nga nevoja e tanishme, duke pasur guxim te Krishti që të lavdëroj.

Dhe tani “Krijonjësi dhe shpërblenjësi”

Shif. Librin e shërbesave

Përlëshorja Ting.IV

Kryqin që Tyj larg – Shkëlqimisht prej Qielli t’u shfaq, të gjithëve ia leçite tue ndriçue Kombe madhërisht, Vlladhimir i Lavdërueshëm, me rrëkenat e gjaknave Tua, duke u ndriçue, ja ndjefe dhuntinave të pa vdjerrme, tue u ndodhë pranë Trinisë; prandaj me guxim pranë Krishtit ndërmjeto për shpëtimin Tonë

BAHET BEKIMI I BUKËVE DHE PËRLËSHIMI

NË MËNGJEZOREN

**Pas paravargut të parë ndenjësoret
Ting.I.Varrin tënd Shpëtimtar**



Prej vendit çuditërisht, të Sllavëve të jugut dolle, dhe u duke Enë shumë e pastërtë të Shpirtit mburrja e martirëve, dhe i vyer për Kunorat, prandaj lutu Kryezotit Tënd, që të ndriçojë shpirtet Tona, të cilët të Hymnojmë o i gjithë lumur Joan i gjithë çuditësim.

Lavdi. Po Ajo dhe Tani, Hyjlindësore e Njijt.

Ty Mëmës së Perëndisë të lutemi, Virgjëreshë të vërtetë n'hidhërim ty të thërresim, të cilët përhikimë me dëshirë në mirsinë tënde; sepse ty të kemi ne mëkatarët mbrojtje; dhe ty të kemi shpëtim me ngjarjen të vetmen të panjollëshme.

Pas paravargut të II ndenjësore Ting.T.IV.”Tin sofian qe llogon”

Kryqin e Zotit o i Lumur duke mbajtur msheftazi, si dëshironje Martyrikisht u stolise me kunorën e Mbretnisë Qiellore, Krishtit Perëndisë Sonë, o Mbret i gjithë-lavdëruar; prandaj duke patur guxim tek Ay pa pushim, o Vlladimir Joan i gjithëçuditshëm, ndërmjeto, tek Krishti Perëndija, që të dhurojë ndjesë të mëkatave atyne që kremtojnë me dëshirë kujtimin tënd të Shenjtë.

Lavdi po ajo dhe tani, hyjlindësore e njijtë.

Shpirtin tim o Virgjëreshë të përultë, të tërbulluar në ngasjet e jetës, tani si të pa drejtuar, dhe të mbytur në furtunën e ngarkesës së mëkatave dhe që asht duke u përmbushë dhe që rrezikohet të vejë në fundin e ferrit, shpejto o Virgjëreshë me ndërmjetimin tënd të nxehtë t'japish qetsi; në Limanin tëndë arrita, Hyilindëse, ndihmomë, ndërmjeto tek djali Yt dhe Perëndija, që të më japi ndjesë të mëkatave; sepse Ty të kam shpresë shërbëtori Yt i pa vyer.

Pas polieleit ndenjësore Ting.T.IV, “Tin Sofian qe Llogon”

Të dhëshmet të gjitha duke i lënë Mbretërinë dëshironje të Qiejve, Krishtin e pasove, bashkëpjestar i Martyreve; sepse pasionet e tanishme të trupit i vdiqe dhe Kryqin duke marrë ushtar i lumur, shëron sëmundjet e të sëmurëve të pa shëruar; Se me fuqinë dhe me hirin e Kryqit i ndjek o Joan i lumur. Ndërmjeto te Krishti Perëndija, që të dhurojë ndjesë të mëkatave atyne që kremtojnë me dëshirë kujtimin tëndë të Shenjtë.

Lavdi po ajo dhe tani Hyjlindësore e njijtë.

Hymnë Falenderimi detyrisht, si ajo e veja dy para blatojë te ty o Zonjë, për të gjitha dhuratat e Tua. Se Ti mu duke strehë bashkë dhe ndihmë, duke më veçue gjithmonë prej ngasjeve dhe shtrëngimeve; prandaj si nga mezi i furrës së Zjarrtë, tue më shpëtuar nga shtrënguesit e mijë, nga zemra të thërres: Hyilindëse ndihmomë; duke ndërmjetësuar tek Djali i Yt dhe Perëndija, të më jepet ndjesë e mëkatave ; se ty të kam shpresë shërbëtori i Yt i pa vyer.

Pastaj shkallësoret, Antifoni i parë Ting.IV.Kanonet etj. Paravargu Tng.IV,”I drejti si Feniks”



**Çdo frymë ..Ungjilli edhe Psalmi 50.
Lavdi me ndërmjetimet e Athloforit...**

**Tani...me ndërmjetimet e hyilindëses...
pastaj Përdëllyes përdëllemë...Ting.II**

O i gjithë lumur Joan, lavdia e Martyrëvet dhe mburrja e Mbretërvet imitonjës i Pagzorit u bëre i gjithë nderuar, për urrejtje të Shenjtësisë Sate, prenë Kryet Tëndë farosët e tu t'ashpërtë dhe të paturpshëm: Po ti duke marrë Kryet tëndë me duart e Tua, Hyre në një vend, ku gjete të fshehun thesarin e Mbretnisë së përjetshme. Edhe tani lutu për ata që të nderojnë me dëshirë.

**Pastaj kanonet e së kremtes dhe të shenjtit.
Zbritsoret e së kremtes.
Dërgimsoret “Gjineqes akutistite”**

Krishti të madhështojë, me çudira Zoti, si shërbëtor të Tij, o Vlladimir Joan këtij lutju që të japë ndjesën e mëkatave, atyre që kremtojnë besnikërisht me këngë të gjithë lavdëruarin edhe të gjithë Shenjtin kujtimin tënd.

Hyilindsore të njëjtë

Maria e cila u bëre enë shumë e pastër dhe timiatir i artë i Trinisë së pa nxënë, me të cilin Ati pëlqeu, dhe tendësojë dhe shpirti i tërëshenjtë duke t'hiesuar o Vashë të tregojë Hyilindëse.

**Në lavdërimet, Vargje Ting.T.IV.
“Otu paradhoksu Thammatos”**

Ejani mblidhuni të gjithë, në Tempullin e Shenjtë, t'urtit dhe të Trislumurti Joanit Mbretit, dhe të lavdërojmë Zotin, që i dha këtë lavdi si dhe hirin dhe të burojë dhuratat e shërimevet, O i gjithlumur pjestar i Engjijëve, dhe ndërmjetës, shpëto shpirtrat tona Hyjlumur,

O dëshmor Joan i lavdëruar, Ti Kryqin e Krishtit, e ngrite me gjithë Shpirt, dhe rende afër Krishtit, pasues deri në gjak o munde armiqt me durimin tënd, dhe e shtere përruan e këtyneve o i Lumur, dhe me gëzim Trupin tëndë në therje e dorzove; Prandaj kryet Tënd e kunorëzojë dhuruesi i math.

Me pësim pësimin imitove o jetëprurës Krishtit dhe prej Atij veprimin, për çudirat more o Athlofor Vlladimir, edhe shpëton ata që rendin te Ty, duke çliruar prej shumë rrezikësh, mbasi ke guxim të pëlqyeshëm o i lavdëruar, ke Krishti, ke i cili dhe tash qëndron plot lavdi.

Mbasi të prenë Kryet me shpatë, prej jetës në Jetë, prej së vdekshmes në të pavdekshmet, dhe prej prishjes në të pa prishmen, faqeza shkove, o përluftimet Tua! Mbret, i gjithë lavdëruar, me anën e të cilëve u numërove me vallet e Athletëvet tue u bashkëngazëllue.

Lavdi Ting.III



Tue lanë me një anë të përkohëshmet të botës dhe të jetës dhe tue dëshirue Kryqin e gjithë nderuar, u ngjite në Mbretërinë e lartë, si Shqiponjë e naltë-fluturonjëse, o Joan i gjithëfamshëm; prandaj edhe Neve prej Lipsanëve të Tua marrim dhurata: Ti myrëzon tue derdhur Myrra, o Athlet i krishtit Dëshmor i gjith çuditshëm, dhe vallëzon në Qiejtë bashkë me Engjijtë; edhe tash lypim prej Teje ndjesë mëkatash dhe përdëllimin e math.

Dhe tani: të së Kremtes; në rast mungese Hyilindësore, pas dëshirës.

Dhoksollogjia e madhe dhe përlëshim.

Vazhdon Mesha e Hyinueshme. Apostol, ungjill dhe këngëtore të Dëshmorëve (Martireve).

SHËN GJON VLLADHIMIRI **Shënime të shkurtra nga jetshkrimi i Tij**

Joan Vlladhimiri ka lemun në Katundin Vlladhimir, të Krajës në Malin e Zi afër Shkodrës, prej të cilit Katund mori dhe emnin e dytë, dhe asht prej një familje nga ma të mëdhat Mbretnore të Dinastinave të moçme Serbe të shekullit nandë. Oborin e Tij e ka pasë në Krajë ku ndodhet dhe një Kryq ndruni i math i këtij Shenjti, dhe ku bahet Panagjyri i math dhe festim i shkëlqyeshëm më 4 qershor (22 maj stil i vjetër) ashtu si bahet në Monastirin e Elbasanit. Ati i Tij Neeman ishte Mbret'i i Ilirisë; dhe përveç Ilirisë sundonte: Malin e Zi, Dalmacien, Bosnjën dhe do krahina të Greqisë afër Prevezës. Mbas vdekjes së t'Et, mori sundimin Ay vet. Joan Vlladhimiri bani një luftë të gjatë me Samuelin, Mbretin e Bullgarisë dhe u zu me trathti rob prej këtij, i cili e burgosi në Kryeqytetin e vet, Ohrin.

Kosara e bija e Samuelit, tue vizitue një herë të Burgosunit, pa Joanin në Burg të cilin e pëlqeu tepër dhe e dashuroj për me u ba shoqe e Tij. Prandaj i lutet t'Et që ta çlirojë nga burgu dhe të lejojë martesën e tyne. Samueli i Ati e dëgjojë lutjen e bijës dhe e dërgojë Joanin prap Mbret në Mbretinë e Tij të maparëshme, t'Atit Tij Neeman.

Një prej ditësh Joani tue shetitun krahinat e Mbretnisë bashkë me dy Adjutantat e Tij, pa në një pyll afër Elbasanit pranë Lumthit të Kushës një Shqiponjë e cilla kishte në shpinë mbi krahët e sajë një Kryq të ndritshëm. Shqiponja zbriti në tokë, la Kryqin dhe u çduk, sepse ishte një Engjëll; Joani me falje të mbëdha mori Kryqin dhe e vuni po n'atë vend, ku ndërtojë një Kishë.

Mbas pak vjetësh, Vasili, Imperatori i Vizantit dërgoj ushtri kontra Samuelit Mbretit të Bullgarëve, të cilin e mundi dhe Samueli nga idhnimi i madh vdiq. Pas vdekjes së Samuelit u ba Mbret në Bullgari i Biri i Tij, Radomiri, por këtë pas një viti e vrau i vëllai i tij prej nane Vlladisllavi, i cili u ba vetë Mbreti i Bullgarisë. Vlladisllavi tue dëshirue që të pushtojë dhe Mbretinë e Joanit, burrit të së motrës, e thirri Joanin në Kryeqytetin e Tij, Ohrin, mbasi ju betue mbi Ungjillin e Shenjtë dhe Kryqin e drunjte që ndodhet në Krajë se nuk do t'i bajë ndonji gja të keqe. Shenjti i besoj por Vlladisllavi nxori shpatën për me i pre kryet, por nuk qe e mundun; atëhere Shenjti i dha Kryqin e Tij të drunjte edhe i tha: me këte që tradhtove më pre: dhe adjutantëve të vet i tha: “Mos derdhni gjak vllaznor për vrasjen t'eme, mos luftoni për mua, runi paqen dhe lavdinë e besimit Orthodhoks të Krishtit, Zotit të vërtetë. Të sundohet me drejtësi dhe dashuni populli im”.

Kunati i keq ja preu kryet, por mrekullisht Shenjti pasi mori Kryet e vet të premë në duart e veta ashtu si ishte hypun në kalin e tij, drejt shkoj në Kishën që kishte ndërtue vetë pranë Elbasanit,



Këtu u varros Shenjti Joan Vlladhimiri prej Kryepeskopit të vendit me një ceremoni të madhe në 22 maj (4 qershor) 1015.

Kosarja e Shoqja e Shenjtë nga dashuria e madhe që kishte për Shenjtin, Shoqin e Sajë ndërtojë një shtëpi pranë Kishës dhe aty banonte deri në vdekjen e sajë; ajo shtëpi pasandaj u bë Monastiri i soçëm. Në vdekjen e shën-Joan Vlladhimirit, u duk Shqiponja e përparëshme në Kishë dhe u ndëgjue një za Engjëllor që dilte prej Shenjtë kur mbërrini në atë vend Trupi i Tij: “Në duart Tuaja, O Zot, po jap shpirtin tim”. Atëhere u dëgjuan psallnodhira prej Qiellit dhe vendi u mbush me erë të kandëshme dhe shumë çudira u bënë në të sëmuret, që preknin Lipsanin e Shenjtë dhe vinin me bestari, si bahet edhe sot e përherë.

Mbreti Joan Vlladhimiri shenjtërojë për shkak se ishte një Mbret shumë i drejtë, rronte një jetë ma shumë si Asqet se sa si Mbret dhe përkraku me çdo mënyrë Orthodhoksinë kundra propagandave dhe kundra heretikëve dhe sidomos kundra heresisë së Bogomillëve dhe ndihmojë të përhapnit dhe forcimin e Krishterimit në shumë vise të Mbretnisë së Tij; e ka dashë Kombin Shqiptar njësoj ose ma shumë ndofta se Kombin e vet, mbasi me mrekullinat e Tij qëndrojë kurdoherë në mest të Shqipnisë pranë Elbasanit sado që Llatinët, Sllavët dhe Grekët n’invacionet e tyre në Shqipni kanë dashtë me e marrë me forcë ose me trahiti në shumë raste të ndryshme.

Prandaj dhe gjithë shqiptarët të rretheve ma të largëta t’Elbasanit si dhe gjithë Qytetarët t’Elbasanit dhe të Qyteteve të tjera t’afërme dhe të largëta të Shqipnisë e nderojnë dhe e duan për së tepërmi, si kurse vërtetohet ditën e Panairit të Tij në Monastirin e vet; por edhe një familje Mbretnore Shqiptare ajo e Karl Topias ka ndërte një Kishë të çmueshme dhe Monastir pranë katundit Brada-shestë afër Elbasanit, aty ku ruhet sot Trupi i Shenjtë. Mbasi tërmeti i madh prishi Kishën dhe Monastirin e vjetër, këtë Kishë që e prishi një tërmet tjetër pasandaj e ndërtojë rishtas populli i Elbasanit dhe i rrethit, me ndihmën Fillestare të Mitropolitit Shqiptar Elbasanas Vissarion Theoharit para dyzet vjetësh.

Shën-Gjon Vlladhimiri edhe sot në çdo vit ban mrekullina dhe ndihmon ata që kërkojnë ndihmën e tij, të Krishter ose Muhamedan qofshin dhe Monastiri i Tij asht çelë nat’ e ditë për çdo element të çdo besimit, feje dhe kombi pa ndryshim klase dhe rendë, dhe me ndodhjen e Tij në at vend ka ndihmu shumë që të krishterët e qarkut Elbasanit sidomos, të mos e humbin besimin e vet Kristian Orthodhoks.

Në kohnat e luftës së madhe dhe pasandaj për shkak të rrëtimeve, që pasojnë mbas luftave Monastiri që kishte qenë i lulzuem kulturisht dhe materialisht u ndodh në një gjendje të vështirë nga çdo pikpamje, por me mundimet dhe sakrificat dhe vullnetin e madh të rrëfyem prej Mitropolitit t’Elbasanit q’asht dhe Kryetar i Kishës Orthodhokse Autoqefale Shqiptare, Kryehirësisë së Tij Emzot Vissarion, si edhe gjithë Elbasanësve sidomos të Krishtenëve gjendja asht tue u përmirësue dita ditës, si i meriton Monastirit edhe Kishës në të cilën ruhet Trupi i Shenjtë Mbretit Vlladhimirit dhe nderohet në të gjithë botën me emnin e Shenjtë: Shën Joan Vlladhimiri i Elbasanit. Kët Monastir e ndihmon veçanërisht e gjithë Dhioqeza e Durrsit. Dita e Festimit të tij asht me 4 Qershor mbas kalendarit të dmth më 22 Maj mbas kalendarit të vjetër.

Pra o Myrë-buronjës Dëshmor i madh dhe çudibërës Shën-Joan Vlladhimir, ruaj, mbro dhe shpëto ata që vinë me bestari dhe panagjirizojnë kujtimin tënd të Shenjtë dhe çliro besëmirët nga çdo dam dhe rrezik dhe ndëmjetso ke Krishti Perëndija jonë për shpëtimin e shpirtëve Tona. Amin.



